



### Komunikadu Imprensa Konjunta

Autoridade Nacional Petróleo (ANP) hó haksolok hakarak anunsia katak ANP konklui ona avaliasaun bá Planu Dezenvolvimentu (Field Development Plan – FDP) bá iha kampu Kuda-Tasi no Jahal, ne'ebé submete husi Finder Timor-Leste B.V. (“Finder”, operadór ba KFP TL-SO-T 19-11) hó nia parseiru TIMOR GAP PSC 11-106 Unipessoal Limitada. Hafoin simu FDP, ANP hala’o avaliasaun no reuniaun lubuk ida atu verifica nia konformidade hó Kontratu Fahe Produsaun (KFP) no mos lei no regulamentu sira ne'ebé aplikavel, nune'e mós atu asegura ninian benefísiu bá Estadu Timor-Leste. Depois de avaliasaun ANP hato’o kedas resultadu avaliasaun refere, no Finder atualiza no submete fali versaun ikus liu ba ANP iha lora 24 fulan Junu tinan 2026.

Bazeia bá avaliasaun téknika, komersiál, operasionál no konformidade tuir lei nebe aplikavel ba Planu Dezenvolvimentu Kampu (Field Development Plan - FDP), ANP konsidera katak konseitu dezenvolvimentu ne'ebé selesionado fó estrutura adakuada bá dezenvolvimentu kampu Kuda-Tasi no Jahal. FDP refere hatudu mos katak instalasaun sira ne'ebé propoin, estratéjia produsaun, jestaun rezervatóriu, planu ezekeusaun projetu no sistema jestaun saúde, seguransa no ambiente (HSE) dezenvolve ona tuir melhores prátika iha indústriia petróleo no bele apoiu dezenvolvimentu rekursu petróleo hó seguru no eficiente; tuir kondisaun no komitmentu nebe aprova ona.

Durante prosesu avaliasaun nia laran, ANP halao assesmentu, inklui mós item relevante sira seluk, viabilidade téknika husi konseitu dezenvolvimentu ne'ebé propoin, rekoperasaun rekursu, no instalasaun produsaun, estudu ekonomia ba projetu dezenvolvimentu, konsiderasaun ambientál no sosiál, no mos kompromisu kona-bá konteúdu lokal, estratéjia aprovizionamentu no mos kumprimentu husi Finder bá lejislasaun petróleo ne'ebé aplikavel no obrigasaun sira nebe preve ona iha kontratu partilha produsaun. Avaliasaun nêe konsidera mos kompromisu sira atu asegura aprovasaun jurídku ne'ebé presiza molok no durante prosesu dezenvolvimentu ba kampu Kuda-Tasi no Jahal nebe tenki kumpri tuir lei nebe aplikavel, no mos melhores praktikas iha industria petrolíferu.

ANP konsidera katak FDP responde ona rekizitu prinsipál sira iha área téknika, komersiál no regulatória ne'ebé presiza atu ezekeuta iha faze dezenvolvimentu nia laran. Bazeia bá razaun sira ne'e, ANP aprova ona FDP bá kampu Kuda-Tasi no Jahal ne'ebé hola parte iha KFP TL-SO-T 19-11 nia laran, hó kondisaun katak termu ou kompromisu sira ne'ebé hakerek iha planu atinji ona, no mos obrigasaun jurídku, ambientál, seguransa ne'ebé preve iha documentos nia laran tenki halao durante prosesu implementasaun ba projetu refere.

Haree ba pontu sira iha leten, aprovasaun husi ANP sei permiti Operadór atu kontinua implementa atividade dezenvolvimentu ne'ebé propoin, nafatin sujeitu ba supervizaun regulatoria no kontinua monitorizasaun husi ANP. Aprovasaun bá FDP ba Kampu Kuda-Tasi no Jahal hatudu kolaborasaun nebe forte no produtiva entre ANP, Finder no TIMOR GAP; atu nune'e bele garante katak atividade petróleo nebe hala’o iha area jurisdisaun Timor-Leste, sei kumpri tuir lejislasaun ne'ebé aplikável no aumezmu tempu atu maximiza benefísiu komersiál no sósiu ekonómiku bá Timor-Leste.

**\*\*Nota: Se karik presiza informasaun adisionál ruma halo favór bele kontaktu ami iha endersu:**

**ANP:** David Hugo da Silva via email [david.dasilva@anp.tl](mailto:david.dasilva@anp.tl) ou Telefone +670 73099995/ + 670 73099996.

**Finder:** Luis Pereira [via](mailto:l.pereira@finderenergy.com) email [l.pereira@finderenergy.com](mailto:l.pereira@finderenergy.com) ou Telefone +670 7704 2531

**TIMOR GAP PSC 11-106 Unipessoal,Limitada:** E-mail [fransiscoalegria@timorgap.com](mailto:fransiscoalegria@timorgap.com) ou Telefone + 670 3311422/ 670 77458414